

Nº: 4-341



PRESIDENCIA
SECRETARÍA XERAL PARA O DEPORTE

Estadio Multiusos de San Lázaro - 15890 SANTIAGO DE COMPOSTELA - Teléfono 54 26 20 - Telefax 54 26 38

	XUNTA DE GALICIA PRESIDENCIA Secretaría Xeral para o Deporte
Entrada.....	
Salida.....	1991
Data.....	17 JUL. 1995

REFERENCIA : PR946A 95/33-4

SOLICITANTE: CLUB SOCIEDADE DEPORTIVA CASTELO

DOCUMENTO : PR946A.601


NOTIFICACION DA RESOLUCION

Notifícase que por Resolución de 14 de xullo de 1995, do Ilmo. Sr. Secretario Xeral para o Deporte, dada de conformidade coa Lei 10/1990 Xeral do deporte (B.O.E - 17-10-1990), e Ordes de 17 de Maio de 1983 (D.O.G.) de 3-6-83) e de 20 de Novembro de 1986 (D.O.G de 5-12-86), e demais normativa aplicable, ese Clube foi inscrito no Rexistro de Clubes, Federacións e Entidades Deportivas de Galicia, co nº 4741.

Así mesmo, e a tenor do establecido no artigo 9º da Orde de 17 de maio de 1983, deberán comunicar e solicita-la inscrición neste Rexistro, dos cambios e alteracións dese clube que se produzan con relación ós datos consignados (cambios na Xunta Directiva, cambio de denominación, modificación dos Estatutos, enderezos sociais, etc..).

Achégaselle, para constancia e arquivo na Secretaría dese Clube Deportivo, copia dos Estatutos sociais, Acta Fundacional, e relación da Xunta Directiva.

Santiago, a 17 de xullo de 1995.



SECCION DE REXISTRO DE CLUBES E
ASUNTOS XURIDICOS,

Belarmino García Martínez

SR. PRESIDENTE DO CLUB SOCIEDADE DEPORTIVA CASTELO

148-4

100

ESTATUTOS

CAPITULO I

NORMAS XERAIS

Artigo 1º.- A S.D. "CASTELO" é unha Asociación privada con personalidade xurídica e capacidade de obrar, da que o obxecto exclusivo será o fomento e a práctica da actividade física e deportiva, sen ánimo de lucro.

Artigo 1º.- A S.D. "CASTELO" practicará como principal modalidade deportiva a de Fútbol e afiliarese á Federación Galega de Fútbol, que someterá estes Estatutos á aprobación da Secretaría Xeral para o Deporte da Xunta de Galicia.

A S.D. "CASTELO", practicará así mesmo as modalidades deportivas de Fútbol Sala para o que funcionarán as seccións deportivas correspondentes, que se adscribirán ás respectivas Federacións.

A Xunta Directiva poderá acorda-la creación de novas seccións para a práctica de outras modalidades deportivas, debendo adscribirse ás correspondentes Federacións.

Artigo 3º.- A S.D. "CASTELO" someterase ó réxime do presuposto e patrimonio propio coas seguintes limitacións:

a) Non poderá destinar os seus bens a fins industriais, comerciais, profesionais ou de servizo nin exercer actividades de igual carácter co fin de repartir beneficios entre os seus socios. Os seus ingresos aplicaranse íntegramente.

b) Poderá fomentar manifestacións de carácter físico-deportivo dirixidas o público en xeral, aplicando os beneficios obtidos ó desenvolvemento das actividades físicas e deportivas dos seus asociados.

c) A S.D. "CASTELO" poderá gravar ou enaxenar bens inmóveis, tomar cartos a préstamos e emitir títulos transmisibles representativos de deudas ou parte alieira do patrimonio, sempre que cumpra cós seguintes requisitos:

1. Que tales operacións sexan autorizadas por amoria de dous tercios dos socios presentes representados na Asamblea Xeral extraordinaria.



2. Que ditos actos non comprometan de maneira irreversible o patrimonio da entidade ou a actividade físico-deportiva que constitúa o seu obxeto social. Para a axeitada xustificación deste extremo poderá esixirse sempre que o soliciten como mínimo o cinco por cento dos socios de número, o oportuno dictame económico-actuarial.

3. Cando se trate de tomar cartos a préstamos en cuantía superior ó 50% do presuposto anual ou que represente unha porcentaxe igual o valor do patrimonio, así como nos supostos de emisións de títulos, requirirá informe da Federación e aprobación da Secretaría Xeral para o Deporte da Xunta de Galicia.

Artigo 4º.— A S.D. "CASTELO" poderá recibir libremente doacións que non excedan da cantidade de 500.000.—Pts. No suposto de doacións que superen esta cantidade, será necesaria autorización expresa da Secretaría Xeral para o Deporte da Xunta de Galicia, previo informe da Federación correspondente.

Artigo 5º.— O domicilio social fíxase en Salvaterra de Miño, Rúa de PESQUEIRAS, C.P. 36456, teléfono 649107, debendo, en caso de variación, dar conta á Secretaría Xeral para o Deporte da Xunta de Galicia.

A S.D. "CASTELO" tamén contará cós seguintes locais e instalacións propias:



CAPITULO II

CLASES DE SOCIOS, ADMISION, DEREITOS E OBLIGACIONES

Artigo 6º.- O número de socios será ilimitado; a Xunta Directiva poderá suspender, sen embargo, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 7º.- Son socios de número tódalas persoas maiores de idade, que satisfagan a cuota social establecida.


Os menores de 18 anos de un e outro sexo calificaránse como socios aspirantes, tendo dereito o uso das instalacións sociais mediante a cuota que fixa a Comisión Directiva, e pasarán automaticamente a ser socios de número ó cumprir a maioría de idade.

Serán socios honorarios aquelas persoas ás que a Comisión Directiva confira esta distinción e tendrán un posto de preferencia nos actos oficiais da sociedade.

Son socios familiares todas aquelas persoas que dependan económicamente dun socio de número e convivan con él no mesmo domicilio.

Artigo 8º.- Primeiro: os socios de número tendrán os seguintes dereitos:

- a) Contribuir ó cumprimento dos fins específicos da Asociación.
- b) Esixir que a Asociación se axuste ó disposto pola Secretaría Xeral para o Deporte da Xunta de Galicia, normas de desenvolvemento das mesmas e ó establecido no presente Estatuto.
- c) Separarse libremente da Asociación.
- d) Coñecer as actividades da Asociación e examinala súa documentación, previa petición razoada da Xunta Directiva.
- e) Exponer libremente no seo da Asociación.
- f) Ser elector e elixible para os órganos de representación e goberno da Asociación sempre que teña plena capacidade de obrar.



Segundo: Son obrigacións dos socios de número:

- a) Abona-las cuotas que esixa a Xunta Directiva.
- b) Contribuir ó sostemento e difusión do deporte ou deportes da Sociedade.
- c) Acatar cantas disposicións dicte a Asamblea Xeral, a Xunta Directiva ou os membros da mesma, para o bon goberno da Sociedade.

Terceiro: Os socios aspirantes tendrán dereito a disfrutar dos servizos e instalacións sociais da Asociación.

Cuarto: Os familiares dos socios de número tendrán dereito a disfrutar daqueles servizos e instalacións que se determinen, previo pago da cuota fixada.

Artigo 9º.— Para ser admitido como socio, en calquera das súas modalidades, será necesario:

- Ter a idade sinalada para cada unha delas.
- Solicitude por escrito dirixida á Xunta Directiva.
- Satisface-la cuota de ingreso correspondente.

Artigo 10º.— A condición de socio pérdese:

- Por vontade propia.
- Por falta de pago das cuotas sociais durante tres meses consecutivos.

CAPITULO III

ORGANOS DE REPRESENTACION E GOBERNO



Artigo 11º.— Son Organos de representación e goberno da S.D. "CASTELO", a Xunta Directiva e a Asamblea Xeral.

Artigo 12º.— Primeiro: A xunta Directiva estará formada por un número de membros non inferior a cinco nin superior a vinte. O fronte dela haberá un Presidente e formarán parte da mesma un Secretario e un Tesoreiro.

Segundo: O Presidente da Xunta Directiva e, no seu defecto, aqueles outros membros da mesma que determinen os Estatutos, ostentarán a representación legal da Asociación, actuarán no seu nome e estarán obrigados a executar los acordos validamente adoptados pola Asamblea Xeral e a Xunta Directiva.

Terceiro: Corresponderá á Xunta Directiva as seguintes atribucións:

a) Mante-la orde e a disciplina na Sociedade, así como nas competicións que se organicen.

b) Convocar, por medio do seu Presidente, á Asamblea Xeral cando o estime necesario, cumprindo os acordos e decisións da mesma.

c) Sinala-las condicións e forma de admisión de novos socios, así como as cuotas de ingreso e periódicas que deban satisfacerse.

d) Redactar e reforma-los Regulamentos de Réxime Interior, fixando as normas de uso das instalacións e as tarifas correspondentes.

e) Nomea-las persoas que vaian dirix-las distintas comisións que se crean, así como organiza-las actividades do Clube.

f) Formular inventario e balance anual, así como redacta-la memoria anual da sociedade e, en xeral, aplicar tódalas medidas deportivas, económicas e administrativas precisas para o fomento e desenvolvemento do deporte.

Artigo 13º. Primeiro: A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso, do Presidente ou Vicepresidente.

Segundo: A Xunta Directiva convocarase pola súa Presidencia con dous días de antelación, como mínimo, á data de celebración. Tamén poderá convocarse a petición de tres ou máis dos seus membros.

Artigo 14º. A Xunta Directiva quedará tamén validamente constituída cando concorra en sesións tódolos seus membros, anque non se convocara convocatoria previa.

Artigo 15º. Primeiro: O Tesoreiro da Xunta Directiva será o Depositario da Asociación, firmará os recibos e autorizará os pagos e levará os Libros de Contabilidade.

Segundo: Será obrigación do Tesorero formalizar, durante o primeiro mes de cada ano, un balance de situación e as contas de ingresos e gastos, que se poñerán en coñecemento de tódolos asociados.

Artigo 16º. O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de Rexistro de Asociados e o Libro de Actas.



Artigo 17º.– A elección dos membros da Xunta Directiva efectuarase por un periodo de catro anos, coincidindo con periodos Olímpicos.

Artigo 18º.– Primeiro: A Asamblea Xeral é o Organo supremo de goberno da Asociación e estará integrada por tódolos seus socios de número.

Segundo: As Assembleas Xerais, tanto ordinarias como extraordinarias, quedarán validamente constituídas en primeira convocatoria cando concorran nela, presentes ou representados, a maioría dos seus asociados. En segunda convocatoria, será suficiente a concurrencia dunha cuarta parte dos asociados. Entre a data da convocatoria e o día sinalado para a súa celebración haberá de mediar, ó menos, quince días naturais.

Artigo 19º.– A Asamblea Xeral convocarase polo Presidente a iniciativa propia ou a petición da Xunta Directiva ou do dez por cento, ó menos, dos socios de número.

1. A Asamblea Xeral reunirase con carácter ordinario polo menos unha vez ó ano para tratar das seguintes cuestións:

- a) Memoria, liquidación de presuposto, balance do exercicio, rendición de contas e aprobación, se procede.
- b) Presuposto para o exercicio seguinte.
- c) Proxectos e propostas da Directiva.
- d) Proposición que formulen os socios e que deberán ir firmadas, polo menos, polo quince por cento dos mesmos.
- e) Rogos e Preguntas.

2. Debera celebrarse Asamblea Xeral extraordinaria para a modificación dos Estatutos, elección da Xunta Directiva, tomar diñeiro a préstamo, emisión de títulos representativos de deuda ou parte alicuota patrimonial, enaxenación de bens inmobles e fixación das coutas dos socios.



CAPITULO IV

REXIME DOCUMENTAL

Artigo 20º.– O Réxime documental da Asociación constará dos seguintes libros: de Asociados, de Actas e de Contabilidade.

Artigo 21º.– No libro de Rexistro de Asociados deberán constar os nomes e apelidos dos socios de número, o seu Documento Nacional de Identidade, profesión e, no seu caso, os cargos de representación, goberno e administración que exerzan na Asociación.

Tamén se especificarán as datas de alta e baixas e as de toma de posesión e cese nos cargos aludidos.

Artigo 22º.– Nos Libros de Actas consignaranse as reunións que celebre a Asamblea Xeral e a Xunta Directiva, con expresión da data, asistentes, asuntos tratados e acordos adoptados. As actas firmaranse, en todo caso, polo Presidente e o Secretario.

Artigo 23º.– Nos Libros de Contabilidade figurarán tanto o patrimonio como os dereitos e obrigacións, ingresos e gastos da Asociación, debendo precisarse a procedencia daqueles e a inversión ou destino destes.

CAPITULO V

SECCIONS DEPORTIVAS

Artigo 24º.– Cando a Xunta Directiva acorde a práctica dunha modalidade deportiva creará a Sección correspondente, que haberá de ser afiliada á Federación que proceda.

Artigo 25º.– Cada sección deportiva ocuparase de todo o relativo á práctica da modalidade deportiva correspondente, baixo a coordinación e superior dirección da Xunta Directiva.



CAPITULO VI

DA EMISION DE TITULOS DE DEUDA OU DE PARTE ALICUOTA PATRIMONIAL

Artigo 26º.– A S.D. "CASTELO" poderá emitir títulos de deuda ou de parte alícuota patrimonial. Os títulos serán nominativos.

Artigo 27º.– 1. Os títulos inscribíranse nun libro que levará ó efecto a Asociación, no que se anotarán as sucesivas transferencias.

Artigo 28º.– Os Títulos de deuda só poderán suscribirse polos asociados e a súa posesión non conferirá dereito algún especial ós socios, salvo a percepción dos intereses establecidos conforme á lexislación vixente.

Artigo 29º.– Os títulos de parte alicuota patrimonial serán, asimesmo suscritos polos asociados. En ningún caso estes títulos darán dereito á percepción de dividendos ou beneficios.

Artigo 30º.– Os títulos de deuda e parte alicuota patrimonial serán transferibles unicamente entre os que teñan a condición de socios.


CAPITULO VII

REFORMA DOS ESTATUTOS E DISOLUCION DA SOCIEDADE


Artigo 31º.– Os presentes Estatutos só poderan modificarse, reformarse ou derogarse por acordo da Asamblea Xeral Extraordinaria convocada ó efecto, mediante votación favorables dos socios de número asistentes.

A reforma destes Estatutos seguirá, con respecto ó Rexistro de Asociacións Deportivas, os mesmos trámites administrativos para a súa aprobación.

Artigo 32º.– A S.D. "CASTELO" extingúrase ou disólvese de acordo da Xunta Directiva, ratificado pola Asamblea Xeral Extraordinaria que se celebre para o efecto, cun mínimo das dúas terceiras partes dos socios de número asistentes.



Artigo 33º.— Disolta S.D. "CASTELO", o remanente do seu patrimonio social, se o houbera, reverterá á colectividade, comunicándose tal disolución á Secretaría Xeral para o Deporte e a Federación Galega, que acordará o destino de ditos bens para o fomento e desenvolvemento das actividades físico-deportivas.



DECLARACI3N: Extiendea para hacer constar que es presentes. Estatutos

4741

foron inscritos de conformidad con el Decreto 17-10-90, de 21 de Abril, publicado no Diário da República, de data 13 Maio de 1993; e o Art. 10 da Lei 4/91 do Desporto (BOE 17-10-90).

Santiago, 14 de Xullo de 1995.

SECCIÓN REGISTRO CLUBS E ASUNTOS JURÍDICOS